

SCRIPT OF MORNING GOJRI NEWS BULLETIN 28JAN 2025

1015HRS

مارننگ گوجری نیوز بولٹن 28 جنوری 2025

LG KAVI SAMMELAN

لیفٹیننٹ گورنر منوج سنہا نے کل ابھینو تھیٹر جموں مانہہ بندی ڈوگری تے اردو زبانان مانہہ راشٹریہ گوی سمیلن غو افتتاح کیو۔ ۳ روزہ اس ادبی تقریب غو اہتما جموں کشمیر غی ثقافت فن تے زبانان بارے اکیڈمی نے ۶۷ واں یوم جمہوریہ غی تقریبات غا ایک حسہ گا طور ور کیو بے لیفٹیننٹ گورنر نے جموں کشمیر تے ملک غا دوجا حسان تیں شعری نشستان مانہہ حصو لے رہیا منیا پڑمنیا تے نوجان شاعران نانہہ مبارک باد دتی اُن نے کہیو جے آج تیں شروع ہون آلو راشٹریہ گوی سمیلن ہمارا جدا ادبی ورثہ تے تنوع غی عکاسی کرے اُن نے کہیو جے ان بکھ بکھ نشستان مانہہ ہمنان اپنی تہزیب غی حکمت تے روایت غا زخیرہ نانہہ دیکھن غو موقعو لبے جھپڑو صدیاں تیں موجود بے۔ اس موقع ور لیفٹیننٹ گورنر نے ڈوگری سندھی تے اردو زبانان گا منیا پڑمنیا ادیبان نانہہ خراج عقیدت پیش کیو تے سماج مانہہ شاعران تے ادیبان گا اہم کردار ور لوکھلی۔

LG CM SHAB

لیفٹیننٹ گورنر منوج سنہا وزیر اعلیٰ عمر عبداللہ تے صحت تے طبی تعلیم غی وزیر سکینہ اتو نے لوک نانہہ شب معراج غا مقدس موقع ور مبارک باد پیش کی بے اپنا پیغام مانہہ لیفٹیننٹ گورنر نے ہو شب معراج غا مقدس موقع ور مبارک باد دتی تینال ہی نیک خواشیاں گو اظہار کرتا واں کہیو جے اللہ تعالیٰ تیں اس مقدس رات مانہہ مہاری تمام دعان نانہہ قبول فرماوے تے ہمنان سیدھا تے نیک رستہ ور چلن توفیق عطا فرمائے اُن نے کہیو جے اس مقدس موقع ور ہون پیار آپسی بھائی چارہ تے سب غی سوہنی صحت تے خوشحالی واسطے دعا گو ہاں۔ وزیر اعلیٰ عمر عبداللہ نے وی آج شب معراج غا پُرمسرت موقع ور جموں کشمیر غا لوکان نانہہ دلی مبارک باد پیش کی بے جس مانہہ پیغمبر اسلام ضلی غی اللہ رب العزت نال عرش ور ملاقات گا سلسلہ مانہہ رات غا معجزاتی سفر بارے نشان دہی کی گئی بے اپنا پیغام مانہہ وزیر اعلیٰ نے اس مقدس واقعہ غی خاص اہمیت ور لوکھلتاں واں کہیو کہ یوہ رسول اللہ علیہ وسلم غی سچائی عظمت تے اللہ تعالیٰ نال عقیدت نانہہ ظاہر کرے نائیب وزیر اعلیٰ سریندر چوہدری تے صحت وزیر سکینہ اتو نے وی اس مقدس موقع ور لوکان نانہہ مبارک باد دتی۔

CM JAL SHAKTI

وزیر اعلیٰ عمر عبداللہ نے کل سول سکرٹریٹ مانہہ جل شکتی محکمہ غی ایک جائیزہ بیٹھک غی سدارت کی اس بیٹھک غے دوران جموں کشمیر جل جیون مشن غی پیشرفت بارے گل بات کی گئی وزیر اعلیٰ نے مشن غا مقصد نانہہ حاصل کرن واسطے موثر نفاذ تے مضبوط نگرانی غا طریقہ کار غی لوڑ ور زور دتو۔ مذکورہ بیٹھک غے دوران اے۔سی۔ایس جل شکتی نے مشن غی پیشرفت اہداف تے درپیش مشکلاں گو ایک جامع جائیزو پیش کیو انہاں نے اس گل ور لوکھلی جے جموں کشمیر غا ۱۸ فیصد گھراں نانہہ جل جیون مشن غے تحت نلکان غا پانی غی ترسیل سنگ جوڑیو گیو بے تے رہتا ہدف نانہہ مکمل کرن بارے کوشش جاری بے۔ اُن نے دسیو جے مشن غو مقصد بی۔آئی۔ایس ۰۱ ہزار ۰۵ معیارات ور عمل کرتا

و ۵۵ لیٹر فی کس ہر تہاڑے پین آلو صاف پانی فراہم کرنو ہے تفصیلی پروجیکٹ خلاصہ غی تفصیلی تکنیکی جانچ غے نال دوجاں زریعاں تے موثر حکمت عملیاں نانہ اپنان نال ۲۲۵ کروڑ روپیاں غی لاگت مانہ نمایاں بچت ہوئی ہے جس سنگ محکمہ غی کارکردگی تے جدت طرازی غا عزم نانہ اجاگر کیو گیو ہے۔

CM KHELO INDIA

وزیر اعلیٰ عمر عبداللہ نے گزشتہ روز ۲۲ تیں ۵۲ فروری ۵۲۰۲ نانہ مشہور سکی ریزاٹ گلبرگ مانہ منعقد ہون آلا کھیلو انڈیا سرمائی کھیڈاں غا ۵واں شمارہ غی تیاریاں گو جانزیو لین خاطر ایک اعلیٰ سطحی میٹنگ غی صدارت کی مذکورہ تقریب غا کامیاب انعقاد نانہ یقینی بنان تے سرمائی کھیڈاں بارے ایک اہم مقام غا طور ور جموں کشمیر غا مقام نانہ مضبوط بنان ور توجہ دتی گئی کھیلو انڈیا سرمائی کھیڈاں غا چوتھا شمارہ غی میزبانی تیں بعد رواں برے ۵ واں شمارہ واسطے ایک واری پھر جموں کشمیر تے لداخ نانہ یاہ میزبانی سونپی گئی ہے کیونجے مذکورہ چوتھا شمارہ نے گلبرگ تے کشمیر غی مقبولیت نانہ عالمی سرمائی سیاحتی مقام غا طور ور اُجاگر کیو تھو۔ اس موقع ور بکھ بکھ مقابلان مانہ ۵۳ ریاستاں مرکز غے زیر انتظام علاقان تے اسپورٹس بورڈ غا ایک ہزار تیں متا کھیڈاریاں غی شرکت متوقع ہے اس موقع ور وزیر اعلیٰ عمر عبداللہ نے کھیلو انڈیا سرمائی کھیڈ ۵۲۰۲ شوبنکر برفانی چیتا تے خطہ غا حیاتی تنوع تے تحفظ گا عزم غی علامت ہون غو انکشاف کیو۔

HUDD SWACHHTANTRA

گھر کوٹھا تے شہری ترقی غا محکمہ ایچ۔یو۔ڈی۔ٹی نے ۶۷ واں یوم جمہوریہ غ ایک حصہ غا طور ور جموں کشمیر غا تمام ۰۸ شہری بلدیاتی اداران مانہ شروع کی جان آلی سوچھنتنر مہم غے تحت مچ ساری تقریبات غو انعقاد کیو آکاشوانی جموں غا نامہ نگار نے دسیو ہے جے اس سال غا جشن غو ایک ایک لمحو اجتماعی عمل تھو چھنتنر مہم غے زریعے دیکھیو گیو صفائی خاطر ایک مہم مانہ ۲ لکھ تیں متا شہری اکٹھا ہوا اور صاف ستھرا تے سرسبز ماحول بارے اپنا عزم ور ثابت قدم ربن غو عہد کیو سوچھنتنر ایک نوی مہم ہے جس غو مقصد صفائی آلے پاسے مانہ چلن آلا نقطہ نظر نانہ بابدو دینو ہے یوم جمہوریہ غا تہاڑا غی قیادت غا طور ور ۲۱ تیں ۶۲ جنوری ۵۲۰۲ تک شروع کیو گیو تھو اس مہم غے دوران ۹ سو ۰۵ تیں متی بکھ بکھ صفائی تے صفائی بارے سرگرمی کی گئی جس مانہ شہری علاقان تیں ۳ لکھ ۰۵ ہزار تیں متا لوکان نے ۰۸ شہری بلدیاتی اداران مانہ بڑا جوش و خروش نال بڑھ چڑھ غے حصول کیو۔

AGRICULTURE DEPTT RAMBAN

محکمہ زراعت رام بن ضلع رام بن غا بکھ بکھ حصان مانہ مکمل زراعت ترقیاتی پروگرام ایچ۔اے۔ڈی۔پی غے تحت ماکھیوں پیدا کرن آلی مکھیاں غی کاشت نانہ کامیابی سنگ بابدو وے ربیو ہے ماکھیوں دین آلی مکھیاں نانہ پالانو آمدنی روزگار تے زیرہ پوشی غی کدمات فراہم روزگار تے زیرہ پوشی غی کدمات فراہم کرغے مجموعی ترقی مانہ حصہ بھاسکے۔ ایچ۔اے۔ڈی۔پی سکیم غے تحت مذکورہ ضلع مانہ کل ۶۰۱ یونٹ ہیں جن مانہ مکھیاں کی کالونیاں واسطے ۰۸ فی صد امدادی مرعات دتی جائے ضلع مانہ بن تک

ماکھیوں دین آلا مکھیاں غی ۵۳ ہزار کالونی قائم ہوچکی ہیں اس تیں علاوہ رام بن مانہہ ۳
مائی ٹیک پولی ہاوس ہیں جہیڑا کساناں نانہہ ۵۹ فی صد امداد دیں۔